



奇姓通卷九

入聲上

福順富

祿東贊

夙道暹

復仲翁

目夷

叔無孫

鞠詠

郜熙

縮高

角若謹

腹擊

蝮惟良

復塗禎

鵝台

麴允

竹夜郎

肅詳

鹿毛壽

木槩

宿進

斛繼善

竺晏

鬻拳

鞠武

速希覺

服虔

瀟河

宓不齊

沐茂

麴崇裕

綠圖

觸龍

曲仲尼

督君謨

蠲沐

遂仁傑

籥滑

續牙

蓐收

燭之武

王况

束皙

睦豫

沃焦

粟舉

駮少伯

嶽思忠

樂喜

角閔

倭佺

濁賢

濯輯

吉頊

一權

密佑

恤由

室昉

率汀

栗腹

通復

郅都

漆凱之

悉清

乙普明

蹀跌䟽

佚之狐

鬱讓

佛胼

乞力

髮子

蔚昭敏

弗翰胡

越石父

勃鞞

謁渙

物奴

骨儀

忽忠

月彥翮

沒未央

箕東光

脫因

裊明德

薩琦

荆修

幹道沖

八通

滑羅

捌忠

察罕

頡衛

撒仲謙

奇姓通卷九

入聲上

江陰夏樹芳茂卿輯

華亭陳繼儒仲醇校

福順富

唐武后時。福順富為嶠夷公。又元有福壽。為江南行臺御史大夫。本朝兵圍集慶。壽數督兵出戰。城破。百司皆奔潰。或勸之



去。曰。吾。爲。國。家。重。臣。城。存。則。生。城。破。則。死。
尚。安。往。哉。遂。遇。害。太。祖。嘉。其。節。予。祠。
爲。春。秋。祭。

祿東贊

漢涇陽人。又國朝有祿存武涉人。永樂
舉人。

夙道暹

字志彰。松溪人。素以好義爲鄉人所推服。
景泰初。大盜攻縣治。暹奉檄親詣賊巢。撫
諭。生擒賊首二千餘衆。招撫民人一千餘
家。天順末。流賊聚劫縣境。暹復奉檄招募
民兵。親犯矢石。斬獲賊首張記等。境內以
安。鎮撫等上其功。授知縣。督捕盜事。

復仲翁

奇如通 卷九
馮姓望出東海。漢宣帝微時受詩於東海。馮仲翁。

目夷

字子魚。宋襄公庶兄。初桓公有疾。襄公爲太子。固請曰。目夷長且仁。君其立之。公命子魚。子魚辭曰。能以國讓仁。孰大焉。臣不及也。且又不順。遂走而退。桓公薨。襄公卽

位。使子魚爲司馬。目夷之後以王父字爲氏。

叔無孫

呂覽。高唐大夫。又叔壽。光武時破虜將軍。

鞠詠

宋開封人。父勵。廣南轉運使。詠舉進士。累官監察御史。錢惟演圖入相。詠言其儉險。

奇姓通 卷九 三 吳
惟演聞之。亟去。大安殿生芝草。命羣臣就觀。詠言願以援進忠良。退斥邪佞。爲國寶。以訓練兵農。豐積倉廩。爲天瑞。草木之怪。何足尚哉。累官天章閣待制。

鄒熙

統譜。鄒熙。漢人。爲東海太守。

縮高

魏攻管而不下。安陵人縮高。其子爲管守。信陵君使人謂安陵君曰。君其遣高。吾將仕之以五大夫。高聞之曰。信陵君爲人悍而自用。此辭及必爲國禍。吾已全已無違。爲人臣之義也。豈可使吾君有魏患哉。乃止使者之舍。勿頸而歿。信陵君聞高歿。服縞素。避舍。使使謝安陵君曰。無忌。小人也。

困於思慮。失言於君。敢再拜釋臯。

冉若謹

漢人。冉里先生之後。

腹擊

國策。腹擊爲室而鉅。荆敢言之。主謂腹子
曰。何故爲室之鉅也。腹擊曰。臣羈旅也。爵
高而祿輕。宮室小而帑不衆。主雖信臣。百

姓皆曰國有大事。君必不爲用。今擊之鉅
宮。將以取信於百姓也。主君曰善。又墨者
有鉅子腹躡居秦。其子殺人。秦惠王曰。先
生之年長矣。非有他子也。寡人已令吏弗
誅矣。腹躡對曰。墨者之法曰。殺人者。死。傷
人者。刑。此所以禁殺傷人也。夫禁殺傷人
者。天下之大義也。王雖爲之賜。而令吏弗

奇姓通 卷九
誅。臣不可不行墨者之法。不許惠王而遂殺之。

蝮惟良

唐軋封年。武后殺武惟良。改姓蝮。惡之也。

復塗禎

周有復塗禎。衛靈公近臣。癰疽彌子瑕。二人專君之寵。以嬖左右。塗禎以夢諷君。於

是因廢癰疽彌子瑕而立司空狗。

鳩冶

藝文志。鳩冶子著陰陽家一篇。

麴允

晉有麴允。金城豪族。西州語曰。麴與監牢。筆下數頭。南開朱門。北望西樓。建興初拜左僕射。又唐有麴文泰。

竹夜郎

漢武帝時有犍爲太守竹夜郎。東漢有下邳侯竹曾。又唐有竹承構。開元末爲宣州刺史。務戢姦宄。黜貪黷。與班景倩同風。時有班竹之號。

肅詳

漢鴈門太守。時初與郡守爲銅虎符。竹使

符。

鹿毛壽

史記。鹿毛壽勸燕王噲讓國於子之。三年國大亂。又南北朝有鹿念。字永吉。好兵書。陰陽釋氏之學。仕魏爲黃門侍郎。孝莊嘉其清。遷尚書左僕射。

木槩

奇始通 卷九
晉人木槩著戰國春秋十二篇又南北朝
木德信少孤過姊家爲雞黍而不受後爲
三府長史名播異域

宿進

宿音速字孺忠黃陂人正德中刑部主事
上封事詆觸中貴杖之朝堂落籍歸歸二
年而卒進博學好古倣儻有志節旣家居

卽構太極亭讀書其中

斛繼善

宋紹興汀州別駕

竺晏

後漢凝陽侯宋有竺大年字耕道性行嚴
重理學淹貫受學沈端憲公煥所著有禮
記證義等書國朝有竺淵宣德中進士

奇如通 卷九
以福建參議奉 敕守銀坑。歿節。

鬻拳

左傳。鬻拳強諫楚子。臨之以兵。懼而從之。鬻拳曰。吾臯莫大焉。遂自刎也。

鞠武

燕太子丹太傅。出見田光。光薦荆軻。又國朝有鞠越。文登人。年十八。聘于氏。正德

中流賊破城。鉞與于俱被虜。至城南市。逼鉞以從。要使割髮。鉞厲聲罵曰。頭可斷。髮不可割。遂被殺。氏義不辱。觸石而歿。副使馮世雄碣其墓曰雙節。

速希覺

宋人。知連州。又國朝有速斌。正統中韶州衛千戶。

服虔

漢滎陽人。字子慎。善著書。作春秋左氏傳解行世。又著文賦碑誄書記連珠九憤十餘篇。靈帝時官九江太守。

瀟河

漢鴈門太守。

宓不齊

說苑。宓子賤。魯人。為單父宰。瀕行。過於陽。晝日。子亦有以送僕乎。陽晝曰。吾少也賤。不知治民之術。有釣道二焉。請以送子。夫扱綸錯餌。迎而吸之者。陽橋也。其為魚也薄而不美。若存若亡。若食若不食者。魴也。其為魚也薄而厚味。子賤曰善。於是未至單父。冠蓋迎之者。交接於道。子賤曰。車驅

奇如通 卷九
之車驅之。陽晝之。所謂陽橋者。至矣。於是至單父。請其耆老賢者而與之共治。

沐茂

漢洛陽令。上書救李雲。貶秩二等。國朝有沐文英。開國元勳。下雲南。封西平侯。

麴崇裕

晉人。麴崇裕著郊祀集十卷。又唐有麴信

陵。貞元中爲望江令。有惠政。亢旱祈雨立至。白居易爲作秦中吟。

綠圖

綠圖。顓頊之師。潛夫論。綠作膠。其後漢功臣有膠廣德。

觸龍

史記。趙孝成王新立。太后用事。秦急攻之。

趙氏求救於齊。齊曰：必以長安君爲質。兵乃出。太后不肯。大臣彊諫。太后明謂左右曰：復言長安君爲質者，老婦必唾其面。左師觸龍言願見太后。太后盛氣而胥之入。徐趨而坐，自謝曰：老臣病足，曾不能疾走，不得見久矣。竊自恕而恐太后體之所苦也。故願望見太后。太后曰：老婦恃輦而行。

曰：食得無衰乎？曰：恃粥耳。太后不和之色少解。左師公曰：老臣賤息，舒祺最少，不肖而臣衰，竊憐愛之，願得補黑衣之缺以衛王宮。昧死以聞。太后曰：敬諾。年幾何矣？對曰：十五歲矣。雖少，願及未填丘壑而托之。太后曰：丈夫亦愛憐少子乎？對曰：甚於婦人。太后笑曰：婦人異甚。對曰：老臣竊以爲

媼之愛燕后。賢於長安君。太后曰。君過矣。不若長安君之甚。左師公曰。父母愛子。則爲之計深遠。媼之送燕后也。持其踵爲之泣。念其遠也。亦哀之矣。已行。非不思也。祭祀則祝之曰。必勿使反。豈非計長久爲子孫相繼爲王也哉。太后曰。然。左師公曰。今三世以前。至於趙王之子孫爲侯者。其繼

有在者乎。曰。無有。曰。微獨趙。諸侯有在者乎。曰。老婦不聞也。曰。此其近者。禍及其身。遠者及其子孫。豈人主之子。侯則不善哉。位尊而無功。奉厚而無勞。而挾重器多也。今媼尊長安君之位。而封之以膏腴之地。多與之重器。而不及今。令有功於國。一旦山陵崩。長安君何以自托於趙。老臣以媼

爲長安君之計短也。故以爲愛之。不若燕后。太后曰諾。恣君之所使之。于是爲長安君約車百乘。質於齊。齊兵乃出。子義聞之曰。人主之子。骨肉之親也。猶不能恃無功之尊。無勞之奉。而守金玉之重也。而况於予乎。

曲仲尼

漢太常卿。又曲端。宋紹興中名將。多破虜功。卒後張曲端旗。猶足以懾敵。

督君謨

朝野僉載。督君謨善射。閉目而射。應口而中。有王靈智者學其法。久之。曲盡其妙。欲射君謨。殺之。君謨時無弓矢。執一短刀。矢來輒折。末後一矢。以口承之。遂齧其鏑。謂

古如通 卷九
靈智曰。學射三年。但未教汝齧鏑耳。又風俗通有督瓚。

蠲沐

說苑。湯誅蠲沐。太公誅潘沚。管仲誅史。附里。皆姦佞傾覆之徒。

遠仁傑

唐人爲夏官郎。國朝遠宏。字希遠。年十

八。陳時政得失。高皇帝悅之。試秋柳稱

旨。授之官吏部。又有遠相。母疾終。相悲號仰天泣血。躬荷甬負土成墳。廬墓三年。時大水盈尺。水不浸廬。人皆異之。

籥滑

呂覽籥滑。墨子弟子。爲天下名士。一作禽滑釐。

奇姓通卷九
續牙

舜七友中有續牙。又漢續相如使西域發外王子弟誅扶樂王首虜二千五百人封承父侯。又晉有續咸師事京兆杜預。專春秋鄭氏易。所著有遠游志異物志汲冢古文釋各十卷。

蓐收

高陽氏五正。蓐收爲金正。見家語。

燭之武

鄭大夫。晉侯秦伯圍鄭。鄭伯使燭之武往見秦伯而說之。秦伯說與鄭人盟。使杞子逢孫戍之而還。

玉况

建武中陳留太守。專務以德化民。蝗不入

晉書卷九
境遷大司徒。玉音肅。

束皙

晉束皙字廣微。舉孝廉。茂才皆不應。所著有五經通論。補亡詩文集數十篇。

睦豫

字道閑。弱冠州舉秀才。北齊天保中。參儀禮。令爲員外散騎長侍。

沃焦

三國時人。見神仙傳。又國朝沃野。洪武初。溫縣令。民艱于食。野令開闢荒蕪。樹藝桑棗。百姓歌曰。田野闢。沃公力。衣食足。沃公育。旣去。民遮道留之。

粟舉

袁紹將。爲魏郡太守。又有粟大用。大中祥

符間。以通五經。應童子科。入試。真宗奇之。後為南雄太守。

駁少伯

代人。初為盧芳將。歸漢。封安定侯。

嶽思忠

榆次人。弘治舉人。知通渭縣。寬猛相濟。政事熙然。

樂喜

宋正卿。即司城子罕也。宋人得玉。以獻子罕。子罕不受。曰。我以不貪為寶。爾以玉為寶。宋平公築臺。子罕請俟農工之畢。築者謳曰。邑中之黔。實慰我心。

角閔

光武時。據汧洛。後降吳漢。又角善教。後漢

人。

偓佺

槐山采藥父也。好食松實。能飛行。逐走馬。以松子遺堯。堯不服。受服者皆三百歲。

濁賢

漢書元后傳有濁賢。為掖庭令。又漢書貨殖傳。濁氏以胃脯而連騎。

濯輯

古賢人。見風俗通。

吉頊

河南人。聖曆中遷天官侍郎。時張易之以寵盛。思自全。問頊計。頊曰。天下思唐久矣。廬陵斥外。湘王幽閉。公盍從容請湘王。廬陵以副人望。卒如頊教。后意乃定。又唐有

奇如通 卷九
吉中孚。號大曆十才子。官戶部侍郎。

一權

字子卿。越人。善畫竹。有竹譜行於世。又國朝有一炫宗。延川人。正統中靈壽縣丞。

密佑

密州人。宋末爲江西都統。與元師迎戰於進賢。矢下如雨。面被矢。拔之復戰。身被四

矢三鎗。遂爲所執。不屈而死。

恤由

齊大夫恤由之喪。哀公使孺悲弔之。孔子使學士喪禮。

室昉

析津人。謹厚篤學。不出戶外者二十年。會同初。累官翰林學士。遼主數延問治亂得

奇如通卷九
失。知無不言。朝無異議。見遼史。

率汀

周世宗末年。伐荆罕儒。為團練使。

栗腹

史記。栗腹。燕相。奉使約歡趙。以五百金為趙王酒。歸。乃勸燕王伐趙。趙使廉頗將兵。擊破栗腹於鄣。又漢栗融。字容卿。去官不

仕王莽。

適復

宋開寶二年。以太常博士通判秦州。

郅都

漢景帝時為中郎將。敢直諫。面折大臣於朝。嘗從入上林。賈姬在廁。野彘入廁。上目都。都不行。上欲自持兵救賈姬。都伏上前。

奇如通卷九
日。亾一姬。復一姬。進天下所少。寧姬等耶。
陛下縱自輕。奈宗廟大臣何。上還。璵亦不
傷賈姬。太后聞之。賜都金百斤。後遷中尉。
行法不避貴戚。嘗稱曰。已背親而出身。固
當奉職。死節官下。終不顧妻子矣。遷鴈門
太守。匈奴聞郅都名。遂引兵去。不敢近鴈
門。又唐郅昌爲涇原節度使。築城於金佛
峽口。以控吐蕃。列燧相望如綦布。吐蕃入
寇。望風而退。

漆凱之

五代史。漆凱之仕南宋爲郎中令。嘗與謝
混談論。謝弘徵博奕。時稱江左風華第一。
人皆高之。

悉清

奇姓通 卷九
呂覽神農師悉清。黃帝師大撓。顓頊師伯夷父。帝嚳師伯招。帝堯師子州支父。舜師許由。禹師大成贊。湯師小臣。註悉姓清名。又見古今人表。

乙普明

南北朝。乙普明。清河人。兄弟爭田。太守蘇瓊諭之曰。天下難得者兄弟。易求者田地。

晉明兄弟乞出外。更思分異。十年。遂還同住。又北燕有乙逸。漢南郡太守乙世。

跌跌䟽

跌音頡。跌跌䟽。後唐人。

佚之狐

左傳。九月甲午。晉侯秦伯圍鄭。以其無禮於晉。且貳於楚也。晉軍函陵。秦軍汜南。佚

之狐言於鄭伯曰。國危矣。若使燭之武見秦君。師必退。公從之。燭之武見秦伯曰。秦晉圍鄭。鄭既知亡矣。若亡鄭而有益於君。敢以煩執事。越國以鄙遠。君知其難也。焉用亡鄭以陪隣。隣之厚。君之薄也。若舍鄭以爲東道主。行李之往來。共其乏困。君亦無所害。且君嘗爲晉君賜矣。許君焦瑕。朝

濟而夕設版。焉君之所知也。夫晉何厭之有。既東封鄭。又欲肆其西封。若不闕秦。將焉取之。闕秦以利晉。惟君圖之。秦伯說。與鄭人盟。

鬱讓

國朝山東人。正德中。任潁川衛知事。晉興

佛肸

晉大夫趙氏之中牟宰佛肸以中牟叛置
鼎於庭致士大夫曰與我者授邑不吾與
者烹諸大夫皆從田單則裂背髮豎而抗
言曰義死不避斧鉞之臯義窮不受軒冕
之服無義而生不仁而富吾不如烹遂褰
衣就鼎佛肸脫屣而生之趙簡子聞中牟
叛攻而取之聞田單不肯與也求而致賞

田單曰賞一人以慚萬夫義者不取也以
行臨人不道吾去矣遂南之楚又入國朝
有佛正封丘人安慶衛千戶

乞力

五代時邊將 國朝洪武中乞賢泌水知
縣。

髮子

漢賈誼新書有髮子。後漢有東海髮福。治詩。

蔚昭敏

宋保定人。鎮定高陽關三路先鋒。契丹入寇。昭敏與范廷召追斬萬餘級。擒生口甚衆。契丹委器甲遯去。又蔚能。朝邑人。在本朝以吏員授光祿寺典簿。歷陞本寺卿。

進禮部右侍郎。以忤旨調南京。在光祿

三十餘年。未嘗持禁鬻回家。上疏請查入內供應器皿。詔下獄。問所由。能請同僚曰。上怒不可測。能老矣。當獨任之。勿累諸公也。既受責降。未嘗有後言。人尤稱之。

第翰胡

音弼。晉國人。見左傳。

奇如通 卷九
越石父

呂覽。晏子之晉。見反裘負芻。息於塗者。以爲君子也。使人問焉。曰。曷爲而至此。對曰。齊人累之名爲越石父。晏子曰。請遽解左驂以贖之。載而與歸。至舍。弗辭而入。越石父怒。請絕。晏子使人應之曰。嬰未嘗得交也。今免子於患。吾於子猶未邪也。越石父

曰。吾聞君子屈乎不已。知者而伸乎。已知者。吾是以請絕也。晏子乃出見之。曰。嚮也見客之容而已。今也見客之志。嬰聞察實者。不留聲。觀行者。不譏辭。嬰可以辭而無棄乎。越石父曰。夫子禮之。敢不敬從。晏子遂以爲客。其後隋有越椒。爲北海太守。

晉書 勃鞞

晉寺人。梁武帝改豫章王爲勃氏。

謁渙

漢江州縣人。仕爲汝南太守。有公直之稱。其同邑又有司隸校尉程焉。度遠將軍譙章皆有名於時。漢又有謁居。爲張湯小吏。

物奴

昌化人。宋淳熙進士。

骨儀

天竺胡人。性剛鯁。隋開皇初爲御史。帝嘉其清苦。拜京兆郡丞。見隋書。

忽忠

忽仲之後。忽忠。斛陽人。正統中荆州通判。忽明。山西人。萬曆中戶部主事。

月彥明

金元統中。月彥明爲台州錄事。司達魯花赤縣。未有學。彥明乃首建孔子廟。旣又延儒士爲之師以教後進。國朝有月文憲居巴陵。洪武初以明經舉。授武昌訓導。有詩集遺世。

沒未央

漢人有未央。知天文。見李淳風乙巳占。漢

又有姓沒者曰沒未央。見印藪。

筮東光

湖口人。嘉靖乙丑進士。官給事黃門。又宋進士有筮深。

脫因

星子人。洪武中廉州知府。又正統中脫綱。遂寧人。任浙江都指揮僉事。征勦處州等

處反賊累立奇功。尋與賊對敵。陷沒。景泰
間。褒陞一級。子英襲授指揮使。

裊剛德

字志學。保昌人。洪武乙丑入胄監。性至孝。
歷分宜海寧龍陽三縣。皆有聲。遷寧國知
府。不尚刑罰。德譽滿朝。

薩琦

字廷珪。閩縣人。宣德中進士。爲人耿介持
正。學有淵源。授翰林編修。預修仁廟實
錄。陞禮部右侍郎。元有薩天錫。天才煥發。
一時文藻獨步。尤長於樂府。以爲天風環
珮。所著有文林集。

荆修

漢九江太守。

韓道冲

宋朝靈武人。其先從夏主遷興州。世掌夏國史。道冲通五經。為蕃漢教授。譯論語注。別作解義二十卷。又作周易卜筮斷行於國中。

八通

江寧人。正統中任禮部主事。後以臯坐免。

滑羅

鄭大夫。又宋有滑壽。字伯仁。往來鄞越虞姚間最久。人皆稱之曰櫻寧生。為國朝名醫。所著有讀傷寒論抄。診家樞要痔瘻篇。

捌忠

本朝石屏州人。宣德中。任利港巡檢。

察罕

元察罕。西域人。能通諸國字書。仁宗時累官參知政事。暮年居白雲山別墅。嘗入見仁宗。望見曰。白雲先生來也。

頡衛

上古賢人。又國朝有頡文林。頡居簡。俱永樂舉人。

撒仲謙

和州人。洪武舉人。又撒俊。大同人。成化間醴泉知縣。歷九載。剛果如一。

奇姓通卷九終

奇姓通卷十

入聲下

烈裔

俠累

曳庸

齧缺

列和

別成子

執煥

揭鎮

子金

鐵鉉

雪霽

僕僣斯



桀龍

燮玄圃

泄冶

折彥質

笮倫

恣任

雒功

鼈令

裂繻

滌子

鶴壽

鄂千秋

索襲

勺復之

藥崧

洛宣

鐸恭

閣輔

約續

嬰璋

帛和

貉稽

落子淵

作顯

博勞

若章

厝壽

格輔元

百豐

赤斧

客孫

邳萌

碧潭

籍福

卻正

革朱

亦尚節

液容調

柏良器

貂安

辟子方

劇孟

昔登

麥鐵杖

迮原霖

號射

席豫

伯虔

酈食其

荻赦之

糴茂

析歸父

錫光

狄虬彌

麋齋

力僧護

食子通

國淵

弋恂

墨翟

黑光翰

翼奉

卽費

棘子成

勒思齊

殖綽

息昌

直不疑

則長

特宮

植庭曉

賊利

職南金

邑夷

集一

及宦

襲盍卿

隰朋

疾敬

習鑿齒

戢黎

塔海

闔謹

沓龍超

合左師

盍延

哈昭

接予

捷剗

涉佗

鄴鳳

莢斌

帖晏

跋異

捩大倫

譚朋

妾胥

邲滂

法雄

悅壽

奇姓通卷十

入聲下

江陰夏樹芳茂卿輯

華亭陳繼儒仲醇校

烈裔

拾遺記。秦皇帝時。有烈裔者。騫霄國人口。含丹墨。嚙壁以成龍獸。以指歷如繩界之。轉手方圓。皆如規度。方寸內有五嶽四瀆。

列國備焉。善画龍鳳。軒軒然惟恐飛去。

俠累

韓大夫。又漢有俠却敵。見急就章。

曳庸

吳越春秋。曳庸告勾踐曰。奉令受使。結和諸侯。通命達旨。賂往遺來。使無所遺。出不忘命。入無避尤。臣之事也。

齧缺

淮南子。齧缺問道於被衣。被衣曰。正汝形。壹汝視。天和將至。攝汝知。正汝度。神將來舍。蠢乎若新生之犢。而無求其故。言未卒。齧缺繼以讐夷。被衣行歌而去。又莊子。齧缺。堯時賢人。受學於王倪。注。讐夷。熟視不言貌。

列和

善吹笙爲晉協律郎。

別成子

漢書。別成子。著望。軍氣六篇。辟兵威勝方七十篇。又唐別儂。朝邑人。祿山叛。尚衡舉義兵討賊。署爲牙將。又宋人有別之傑。

執煥

宋紹興中殿使。以工画人物得名。

揭鎮

唐人。揭鎮爲青州刺史。國朝揭軌。洪武初以明經舉。任清河知縣。嘗考江西鄉試。士服其公。召定書傳會選。數承顧問。所著有清河集。

子金

東昌人。宣德中任分宜知縣。

鐵鉉

字鼎石。靖難師起。鉉悉力守禦。及戰東昌小河。多鉉功。文皇登極。自淮南擒鉉至。不肯屈。又背立。廷中令一顧。終不可得。割其耳鼻。亦不顧。勞碎其體。至死罵不絕口。時年三十有七。

雪霽

本朝洪武間。吳江汾湖巡檢雪霽。山西人。見姓苑。

僕侯斯

元人。爲崑山知縣。政尚平易。凡境內忠貞孝義之事。多所表章。時人賦崑山五詠以美之。國朝有僕侯斯。以元嘉定知州來附。

奇如通 卷一
王師擢尚寶司丞。兩使高麗有功。歷官禮部尚書。

桀龍

漢襄城侯。又宋有桀路分。永州司馬。

鼈令

蜀本記。鼈令。荆人。歿。其尸泝水上。至汶山下。復生。見望帝。立爲相。自以賢不及令。乃

讓國。號開明帝。五代時爲王。望帝亡。魂化爲子規。蜀人聞其鳴。曰我君也。出成都記。楊升庵錄之。

爨玄圃

宋湘潭人。爨玄圃。咸平中進士。爲三臺御史。有名。

裂繻

奇始通 卷一
紀大夫字子帛。奉使娶魯伯姬歸於紀。能為魯國結好息民。春秋嘉之。

泄冶

陳人。仕靈公為大夫。以諫死。又泄柳。魯人。子柳之母死。子碩請具。子柳曰。何以哉。子碩曰。請鬻庶弟之母。子柳曰。如之何其鬻人之母以葬其母也。不可。既葬。子碩欲以

賻布之餘具祭器。子柳曰。不可。吾聞之也。君子不家於喪。請班諸兄弟之貧者。

滌子

古賢人。見韓非子。又本朝有滌昇。任鄧州知州。

折彥質

字仲古。雲中人。紹興中累官僉書樞密院

事。趙鼎爲相。屢薦彥質。後秦檜專相。以彥質爲鼎所引。安置郴州。自號葆真居士。

鶴壽

金時有鶴壽。世宗時。老和尚率衆來。招壽與俱反。壽曰。吾宗室子。受國厚恩。寧殺我不能與賊反。遂與二子俱被殺。

笮倫

漢笮倫。楚人。又笮融。漢末守秣陵。孫策收之。

鄂千秋

沛人。高祖定功。封侯。鄂進曰。蕭何萬世功。當封第一。上曰。進賢受上賞。何功雖高。得鄂君乃益明。卒封安平侯。

急任

晉中郎將。急音恪。

索襲

字偉祖。燉煌人。虛靖好學。舉孝廉。方正皆不應。太守陰澹奇而造焉。嘗爲贊曰。世人之所好。先生之所棄。味無味。於恍惚之際。兼重玄。於衆妙之內。宅不踰畝。而志忽九州。形居塵俗。而棲心天外。

雒功

漢人。見印數。國朝有雒僉。洪武中僉都御史。

勺復之

眉州人。慶曆進士。

藥崧

漢藥崧。河內人。天性樸忠。嘗爲郎。獨直臺。

上家貧無衾枕。每食糠覈。帝入臺見而嘉之。詔大官賜常膳。歷官南陽太守。又唐人藥玩撰諸姓世家十卷。

貉稽

見孟子。又漢有貉安。見印敷。

洛宣

正統間征麓川。攻鬼哭山。身先士卒。竟歿

於鋒鏑之下。

詔賜祭。加其子官一級。

落子淵

南北朝虎賁將。

鐸恭

漢鐸恭。治春秋。有鐸氏微旨三篇。見藝文志。又漢廷尉有鐸政。左傳有鐸遏寇。爲晉大夫。

言如通卷一
大夫作顯

漢涿郡太守。

閣輔

唐有閣輔。為御史大夫。又閣并訢。見急就章。

博勞

古相馬者。

約續

姓苑。約續。古賢人。見韓子。漢馬融有愛妾。約氏。

若章

漢下邳相。又宋有若濤。咸平進士。

矍璋

唐黃州刺史。又矍參。四門博士。

厝壽

春秋後語。燕有厝壽厝。七亦切。甘陵故厝地。漢有故厝城。

帛和

吳郡人。見神仙傳。又高僧傳有帛道猷。

格輔元

浚儀人。累官鳳閣鸞臺平章事。武后欲以

武承嗣爲太子。輔元不從。遂下獄。坐以謀反處斬。天下冤之。

百豐

周時百豐。列子弟子。又漢百政。南陽人。見酷吏傳。

赤斧

列仙傳。赤斧。巴戎人。漢碧雞祠主簿。能煉

神丹服之三十年。顏如童子。毛髮皆赤。後數十年上華山。取禹餘糧食之。賣藥蒼梧。湘水間。累世人傳見之。手掌中有赤斧焉。又南北朝有赤歇。宋大將王玄謨攻虎牢。歇援兵以拒之。

客孫

字廣德。漢人。

郅萌

郅。洪武正韻音隙。晉有郅萌。撰春秋災異十五卷。南北朝郅羽。撰春秋問畧十卷。

碧潭

涿州人。洪武中大名訓導。

籍福

史記。田蚡使籍福請竇嬰城南田。嬰大望。

言如通卷一
曰。老僕雖棄將軍。雖貴寧可以勢相奪乎。
灌夫亦罵福。福惡兩人有隙。乃謾好謝蚡。
又游俠傳有籍少公。以脫郭解故。自殺滅
口。

卻正

字令先。孤貧好學。博覽羣籍。仕蜀漢爲秘
書郎。所著述有詩賦論將百篇。

革朱

功臣表。革朱以越連敖從起薛。以越將入
漢。擊諸侯。以都尉封煮棗侯。又漢革鑑著
秘苑秘圖一卷。國朝有革從時。登成化
進士。上疏言事忤權貴。調知濟寧。

亦尚節

宋開禧進士。國朝有亦孔昭。爲江西叅

將。山東人。

液容調

漢人。見急就章。善於鍊液。後嗣因以為姓。

柏良器

唐書。柏良器。字公亮。父友王奐見之曰。爾額大似臨淮王。面黑子似顏平原王。乃薦之。李光弼年二十四。更戰陣凡六十二。所

向無前德宗朝。封平原郡王。圖形凌煙閣。又柏良。開元中學士。杜甫題其山居云。山居精典籍。文雅步風騷。

貊安

太和人。正統中內黃知縣。

辟子方

見漢書。城東富人。左傳有辟司徒。

劇孟

袁盎傳。劇孟。洛陽人。以任俠博徒顯。母歿。遠方送葬者車千乘。家無十金之儲。文帝時。吳楚反。周亞夫乘傳至河南而得孟。喜曰。吳楚舉大事而不求孟。吾知其無能爲已。天下騷動。大將軍得之。若一敵國云。又五代有劇可久。官大理少卿。刪定刑統三

十卷。

昔登

漢烏傷令。又唐大理評事。昔安仁。汝州人。

麥鐵杖

大統志。麥鐵杖。隋人。驍勇有力。日行五百里。走及奔馬。煬帝征高麗。進至遼水。敵兵阻水拒守。時鐵杖爲左比衛將軍。謂人曰。

奇如通卷十
丈夫受命自有所在。豈能卧歿兒女子手
中耶。乃自請爲前鋒。奮躍登岸。力戰而歿。
詔贈宿公。諡武烈。又本朝麥志德。連山
人。洪武初。以孝弟力田舉。上奇其謀略。拜
工部尚書。

迓原霖

洪武中。授翰林編修。

號射

晉大夫。漢有號廣。爲春秋博士。又韓詩外
傳。周公學乎號叔。

席豫

字建侯。舉賢良方正。唐開元中。韓休舉以
自代。拜吏部尚書。典選六年。當時以爲知
人。號席公。帝登朝元閣。賦詩。羣臣屬和。帝

奇如通 卷十
以豫詩最工。詔曰：詩人冠冕也。又宋席汝言，字君從。元豐五年，以尚書司封郎中致仕。與文富諸公爲耆英會。又與潞公程珣、司馬旦爲同甲會。又與司馬公兄弟、王安石、王不疑、楚正叔等爲真率會。司馬公詩云：七人五百有餘歲，同醉花前今古稀。走馬鬪雞非我事，苧衣絲髮且相輝。

伯虔

孔門弟子，以儒行著稱。

酈食其

漢書：酈食其爲里監門，曰：諸將過此者多。吾視沛公大度，乃求見沛公。沛公方踞牀，使兩女子洗，酈生不拜，長揖曰：足下必欲誅無道秦，不宜倨見長者。於是沛公起，攝

衣謝之。延上坐。食其說。沛公襲陳留。得秦積粟。沛公以爲廣野君。又酈道元爲御史中尉。執法清刻。爲時所忌。遂遣爲關右大使。平生好學。歷覽羣書。注水經四十卷。

荻赦之

漢人。見印藪。

糴莩

左傳。晉侯使糴莩如楚。報太宰子商之使也。糴莩。晉大夫。糴徒弔反。一杜敖反。莩扶廢反。一蒲發反。

析歸父

左傳。析歸父。齊大夫。漢有析伯式。通京房氏易。析像亦通京氏易。

錫光

漢西城人。哀平時爲交趾太守。教民夷以禮義。王莽篡位。據郡不附。光武嘉其忠節。拜大將軍。

狄虎彌

魯大夫。見左傳。又狄黑。衛人。孔子弟子。

麩黠

南北朝梁四公。麩音麥。黠音湍。

力僧護

唐江陵人。父力昌歿。其母欲從俗薦父家貧不能。悲哭不止。僧護時年五歲。謂其母曰。何不將兒賣以易錢。母乃哽咽。抱兒出市。賣與蜀客。得錢二貫。薦之。母卒。以憶子目盲。僧護隨客之蜀。已三十年。每念厥母痛歿者數。後復還江陵。尋母得見。以母因

念已目盲。遂號泣旻天。以水漱口。爲母舐其目。目遂明。人皆異之。

食子通

漢河南人。見風俗通。

國淵

三國時國淵。字子尼。樂安人。初受學於鄭玄。仕魏爲司空掾屬。每公朝議論。嘗直言。

正色。後遷魏郡太守。太僕卿。雖居卿位。布衣蔬食。祿賜散之。故舊宗族。以恭儉自守。

弋恂

江陰人。永樂中知鳳縣。公勤舉職。吏民推服。

墨翟

宋人所著書有墨子十六卷。國朝有墨

麟字士禎。洪武中以國子生擢監察御史。歷官兵部左侍郎。

黑光翰

華陽人。弘治中舉鄉薦。

翼奉

列傳。漢翼奉字少君。下邳人。少篤學不仕。與蕭望之匡衡同治齊詩。尤精律曆。元帝

初。以諸儒薦。徵待詔。官者。署數言事。宴見。天子敬焉。上封事。必採究經史。窮極陰陽。官至博事諫議大夫。

卽費

漢單父令。其後唐有卽岌。上書言韋后將亂。

棘子成

奇如通卷一
三十一 吳
衛大夫。疾時人文勝。特欲存質以維世風。
勒思齊

唐書。勒思齊。歷陽人。武后召見奇之。授游擊將軍。李白詩。太古歷陽郡。化爲洪川在。江山猶鬱盤。龍虎祕光彩。特生勒將軍。神力百夫倍。又漢有勒尊。晉有勒滿。

殖綽

左傳。齊勇士。

息昌

周訪已擒。杜曾欲出致於朝。息昌息胤皆欲乞曾以報冤。於是斬曾。昌胤共腐食之。直不疑

南陽人。文帝時爲郎。同舍有告歸者。悞持同舍郎金去。金主意不疑。不疑買金償之。

奇姓通 卷十 三三 吳
後告歸者至而歸金。亡金郎大慙。以此稱
爲長者。景帝朝爲御史大夫。以功封塞侯。
則長

漢人見姓苑。又見印藪。又則陽見莊子。

特宮

左傳。特宮與共華賈華。叔堅騅歆。繫虎山
祈爲晉七輿大夫。皆里平之黨。

植庭曉

北漢將。又國朝有植士謙。植軒。一洪武
中興寧教諭。一正統中文昌知縣。

賊利

吳使利殺蔡昭侯而誅利以解過。

職南金

開元間人深於史記。

邑夷

路史黃帝命邑夷法斗之周旋魁方標直以攜龍角爲帝車大輅紹大帝之衛於是崇牙交旂羽搗爆稍櫺劍華蓋屬車副乘記里司道以備道哄

集一

漢外黃令見風俗通

及宦

字士顯交河人正德甲戌進士授兵科給事中虜數犯邊言官多有論劾公獨疏倖門未杜債帥成風時人以爲確論嘉靖初奉詔覈錦衣官校革冒濫者二萬有奇請托不行歷官戶部左侍郎公精練嚴明所至皆舉其職餘姚孫陞特紀之云

襲盍卿

常寧人以明經擢第。往師朱文公。明義理之學。入諫垣。爲右正言。以直道顯。

隰朋

齊公族爲大夫。助管仲相齊。管仲寢疾。桓公往問其代。對曰。隰朋可。臣聞之。以善勝人者。未有能服人者。以善養人者。未有

不服人者也。於國有所不。死。政。於家有所不。死。事。必。朋。乎。又。曰。惠。恩。盈。虛。與。百。姓。屈。信。然。後。能。以。國。寧。勿。已。者。朋。其。可。乎。言。終。喟。然。歎。曰。天。之。生。物。以。爲。夷。吾。舌。也。其。身。死。舌。焉。得。生。哉。是。歲。仲。朋。皆。卒。

疾敬

清遠人弘治貢士。

習鑿齒 貢士

字彥威。晉桓溫辟為從事。覬覦非望。鑿齒著晉漢春秋以裁正之。凡五十四卷。又洪武中學士有習學馨。

戢黎

楚大夫廬尹也。廬在今襄陽。公子燮子儀作亂。比莊王出。將如商密道。廬戢殺燮及

儀。而以王歸。二年。王使戢黎侵庸。西及庸方城。

塔海

元人。廬州路總管。時飛蝗北來。民患之。海禱於天。蝗隱去。民乏食。開廩減直。民活甚眾。

闔謹

蘇州衛人。成化舉人。任知縣。

沓龍超

官氏志。沓盧氏改爲沓氏。北史孝義傳。沓龍超。性尚義俠。少爲里所重。永熙中。梁將樊文熾來寇。益州刺史傅和孤城固守。龍超每出戰。輒破之。時攻圍旣久。糧矢皆盡。刺史遣龍超夜出。請援於漢中。爲文熾所

得。許以封爵。使告城中曰。外無援軍。宜早降。乃置龍超於敵樓上。龍超乃告刺史曰。援軍數萬。近在太塞。文熾大怒。火炙殺之。至死。辭氣不撓。

合左師

宋平公大夫。見左傳。又漢有合傳虞。

盍延

漢人身長八尺。彎弓二百斤。光武拜虎牙將軍。封安平侯。

哈昭

本朝哈昭。天順間。以江西守備禦虜。歿於陣。哈音蟹。

接予

周時有接予。著書二篇。闡道家之秘。漢有

接昕。著書十篇。見三輔決錄。

捷剡

淮南子。捷剡。黃帝時臣。又捷子。六國時人。著捷子二篇。

涉佗

晉大夫。左傳。趙簡子使涉佗與靈公盟於鄆澤。其後有涉正。見神仙傳。又有涉弼。獻

奇姓通 卷一
二。禮者。

鄴鳳

漢梁令。見風俗通。

莢斌

六安人。宣德中長陽縣丞。莢音頰。風俗通。莢成僖子。晉大夫也。藝文志有莢氏。春秋。又王僧孺百家志。荀永之。娶平陽莢氏。

帖晏

馬平人。正德中龍川知縣。

跋異

唐末汧陽人。眉目踈秀。舉止詳雅而性沈厚。善畫。洛陽廣愛寺邀四方奇筆。乃來應募。異方草定畫樣。有張將軍圖者。忽立其後。長揖而語曰。知跋君敏手。固來贊貳。異

頗自負。仰笑而答曰。吾嘗謂畫之聖者在
吾手筆。豈須贊貳。然後爲工哉。圖曰。願繪
右壁。或不克意。則請朽墁之。乃就西壁。不
暇朽約。搦筆揮寫。倏忽而成。異乃瞪目踈
蹠。驚拱而言曰。子豈非張將軍乎。遂引退。
後福先寺請異。画大殿護法善神。方朽約。
忽一人自稱李羅漢。當與汝對画。角其拙。

巧。異乃竭精竚思。意與筆會。屹有神色。肖
貌天成。時京洛士人爭來品藻。李乃縱觀。
見其超玄入化。非已所及。遂手足失措。異
大得色。遂誇咤曰。昔見敗于張將軍。今取
捷于李羅漢。見唐朝名画錄。

祝大倫

國朝宣府人。持 詔往諭佛菽國。祝音聶。

詔朋

黃帝將見大隗於具茨之山方朔爲御昌
寓驂乘張若詔朋前馬昆闍滑稽後車至
於襄城之野七聖皆迷無所問塗

妾胥

漢妾胥。妾志見印藪。

郝滂

唐光化中爲六合宰。嘗作懷古詩五十首。
敘靈巖。則曰巖峻嘗有靈瑞。敘龍津。則曰
士馬更成往來。若儒學士林館。龍池昌市
樓等處。皆有題詠。載在詩紀。

法雄

字文彊。漢扶風人。初爲宛陵令。征海寇張
伯路等。轉青州刺史。後平登萊寇。有功。遷

南郡太守。郡濱帶江沔。有雲夢藪澤多虎。吏驅民往捕之。擾害滋大。雄乃毀檻阱。破機械。戒勿妄捕山林。自後虎害頓息。民乃獲安。又三國志法正字孝直。郿人。從漢昭烈平蜀。爲太守。終尚書令。昭烈東征。敗績。孔明歎曰。孝直若在。必能制主上東行。不至傾危也。

悅壽

南燕慕容超時尚書也。王師圍廣固城。悅壽言於超曰。天地不仁。助寇爲虐。戰士尪病。日就彫隕。守困窮城。思望外援。宜追許鄭之蹤。以存宗廟之重。超歎曰。廢興命也。吾寧奮劍決死。不能銜璧求生。劉裕四面進攻。壽遂開門以納王師。

...

...

...

...

...

...



卷一